



UNIVERSITÄTS-
BIBLIOTHEK
PADERBORN

Universitätsbibliothek Paderborn

Epistolarvm Innocentii III. Romani Pontificis Libri Vndecim

Innozenz <III., Papst>

Parisiis, 1682

Decano Et Capitvlo beati Hilarij Pictaven.

urn:nbn:de:hbz:466:1-20006

246 Epistolarum Innocentij III.

sia tua debitis perfolvendis, de ipsis Ecclesiae possessionibus minus utilibus, cum de mobilibus debita nequeant expediti, secundum instituta canonica, de consilio tuorum vendere valeas Clericorum, auctoritate tibi praesentium indulgemus. Datum Laterani Idibus Novembris.

*DECANO ET CAPITVLO
beati Hilarij Pictaven.*

*Epist. 418.
Ut Petro nepo-
ci Aimerici de
Partiniaco
præbendam
conferant.
Vide supra epist.
39.*

Si eam quæ apud nos plenitudo reficit potestatis, qua non extollimur in superbiam, sed ad providentiam excitamus, considerassetis attente, & qua facta nostra prosequi perfectione velimus, voluissestis subtilius intueri, nunquam cor vestrum in tantæ præsumptionis audaciam ascendisset, ut, sicut testimonio multorum accepimus, tam temerè nostris præsumeretis institutionibus obviare. Recolimus siquidem quod defuncto quondam in Urbe magistro Americo de Partiniaco, erga dilectum filium Petrum nepotem ipsius non potuerimus misericordia non moveri, quem videntes omni consilio & auxilio destitutum, ad provisionem ejus suimus vehementius excitati; sive ad desolationis suæ remedium, præbendam quam idem avunculus ejus in Ecclesia vestra olim habuerat, sicut de plenitudine potestatis nobis concessæ licebat, ei misericorditer duximus conferendam, de ipsa per annum propriis manibus investientes eundem, cùmque ipsi auctoritate apostolica confirmantes, ne investitura nostra sive donatio sperato posset effectu quorūlibet temeritate privari. Vnde cùm vobis præcepissimus districte ut ipsum ob sedis apostolicae reverentiam, ejusque probitatis obtentum, in vestrum fratrem & Canonicum admittentes, jamdictæ præbendæ beneficium, sicut illam avunculus ipsius olim noscitur habuisse, contradictione, oc. & ap. cessantibus, sine difficultate qualibet assignare minimè differretis, vos id noluistis exequi, ut decebat, licet venerabilis frater noster Burdegalen. Archiepiscopus, sicut ex literis ejus accepimus, bona memoriae A. Pictaven. Episcopi volens supplere defectum, qui super hoc à nobis datus fuerat executor, nostrumque tanquam providus & discretus propositum adjuvare, vos ad id cum suis literis montuisset. Nos igitur, licet ex hoc, nec immerito, contra vos commotionis materiam habeamus, vobiscum in spiritu lenitatis & mansuetudinis adhuc agere cupientes, per iterata vobis scripta mandamus, & in obedientiæ virtute districte præcipimus, quatenus prout in mandatis nostris, ut dictum est, recepistis, dilationis, occasionis, exceptionis, & appellationis summo diffugio, non obstante etiam si interim propter hoc nuntium ad sedem apostolicam transmisisti, præfato P. dictum beneficium cum fructibus post præsentationem literarum nostrarum perceptis, tam libenter, quam liberaliter, absque difficultate qualibet assignetis. Alioquin noveritis nos venerabilibus fratribus nostris Biruricen. & Burdegalen. Archiepiscopis præcipiendo mandasse ut si infra viginti dies post susceptiōnem præsentium mandatum nostrum non duxeritis effectui mancipandum, illos quos contumaces invenerint & rebelles, sublato cujuslibet occasione & appellationis obstaculo excommunicatiois vinculo innodantes, Ecclesiam ipsam subjiciant interdicto. Quod si nec sic infra duos menses poteritis emolliri, iidem nullam sententiarum illarum aliquatenus relaxari permittant; sed tamdiu singulis diebus dominicis & festi- vis, pulsatis campanis, & extinctis candelis, prædictam excommunicationis sententiam per totam provinciam Burdegalen. publicè faciant innovari, donec prædictus P. plenam & pacificam ipsius præbenda possessionem habuerit, & pro tanto satisfacturi excessu nostro vos duxeritis conspectu præsentandos; rebellēs nihilominus ab omni ecclesiastico beneficio suspendentes, ut saltē pœna coercent quos obedientia non emollit. Si quid etiam post receptionem literarum in Ecclesia vestra ordinatum fuerit vel statutum, per quod mandatum nostrum possit eludi, aut etiam impediri, illud irritum decernimus & inane. Datum Laterani II. Idus Novembris.

*ABSALONI LVNDE N.
Archiepiscopo, ejusque successoribus
canonicè substituendis in perpetuum.*

In eminenti apostolicae sedis specula disponente Domino constituti, salubriter injuncti nobis officij exequimur actionem, si ea que per antecessores nostros ad salutem fidelium instituta noscuntur, consensu nostro firmamus, & ne cuiuslibet temeritatis quatiantur incursu,

*Epist. 419.
De primatu
Archiepiscopi
Lundeniæ.*